

LSW STUDIEN INFO BROSCHÜR 2022



Virwuert
vun der
Präsidentin



Grüß Gott!

**Léif zukünfteg Studentin,
Léiwen zukünftege Student,**

**Jacquie Staudt
Präsidentin vum LSW**

Nom Schoulofschloss am Lycée fänkt eng nei Etapp am Liewen un wann et heescht : Wou a wat well ech studéieren?

Vir mech selwer war des Entscheedung zu Wien Biologie an duerno Veterinärmedezin ze studéieren eng Entscheedung, déi ech ni bereit hunn an déi éisträichesche Hauptstadt ass elo scho säit 6 Joer mäin zweet Doheem.

Firwat Wien am allgemenge bei de Studenten esou beléift ass, probéiere mir dir an dëser Broschür e bëssche méi no ze bréngen.

Wichtig ass ze wëssen, dass et zu Wien esou gutt ewéi all Studiefach gött! Op de villen Unien a Fachhéichschoulen ass also fir jiddwereen eppes dobäi.

An net ze vergiessen: ausserhalb vum Studium ass ëmmer eppes lass, sou dass du dech bestëmmt ni langweile wäers.

Wien ass nämlech net vir näischt 2022 schonn erëm vum "The Economist" zur liewenswäertster Stad op der Welt gewielt ginn an iwweezeegt virun allem mat senger wonnerschéiner Architektur, villsäiteger Kultur a ville grénge Plätzen.

Falls du Lëtzebuerg trotzdem mol vermësse solls, fënns du beim LSW, dem Veräin vun de Lëtzeburger Studenten zu Wien, séier Uschloss a léiers vill aner Lëtzeburger kennen, déi an der selwechter Situatioun sinn. Säit 1975 ass et eis Aufgab d'Lëtzeburger ze ënnerstëtzen, ze beroden a si zesummenzebréngen. Iwwert dat ganz Joer organiséiere mir vill Events zu Wien an och zu Lëtzebuerg . Mir stinn de Membere bei alle Froen a Problemer zur Säit, wat d'Studium, d'Wunnengssich, administrativ Demarchen asw ugeet.

Dës Broschür soll dir als zukünfteg/en Student:in hëllefen, éischt Andréck iwwer Wien ze kréien an dir scho méiglech Äntwerten op deng Froe ginn. Bleiwen duerno nach Froen op, da kanns du eis gäre kontaktéieren iwwer Facebook, Instagram oder per Mail.

Index

6

- 6 **Wien**
Allgemeng Informatiounen iwwert
d'Haaptstad vun Éisträich

7

- 7 **Praktesch Informatiounen**
Transportméiglechkeete bis op Wien,
Logement, öffentlechen Transport

- 12 **Unien zu Wien**
Wat a wou kann ech zu Wien
studéieren?

- 21 **Lëtzebuerger Studente Wien**
Virstellung vum LSW, sengen Aktivitéiten
an dem Comité

- 28 **Student:innen am Interview**
Wat ass deng léifsten Fräizäitaktivitéit?

- 29 **Rezept: Wiener Schnitzel**

- 30 **Wieneresch - Lëtzebuergesch**

- 32 **Impressum**



11



25



www.lsw.lu
lsw@lsw.lu
lsw_1975



Wien



D'Hauptstad an Zuelen

1.931.593 Awunner:innen (1. Januar 2022)

193.000 Student:innen (2020/2021)

23 Bezierker

414,87 km²

1t Plaz an der Mercer Studie 2022 vun der Liewensqualität

Wien ass mat knapps 1,9 Milliounen Awunner déi zweet gréisste Stad am däitsch sproochege Raum. Déi éisträichesche Hauptstadt ass virun allem bekannt wéinst hirer impressionanter Architektur, dofir gehéieren den historeschen Zentrum an och d'Schlass Schönbrunn zum UNESCO Weltkulturierwen.

Wann een un Wien denkt, da kënnt engem séier de Kaiser Franz an d'Keeserin Sissi, de Mozart, oder och de Falco an de Kapp, woubäi dës Stad historesch a kulturell nach däitlech méi ze weisen huet. Nieft der weltbekannter Geschicht an Architektur, kann een hei och vun deene ville grénge Plaze profitéieren. En klengen Tour iwwert de Prater, duerch den Augarten oder bis erop op de Kahlenberg sinn eng schéin Ofwieslung zum Grousstad Trubbel.

Am Summer kann ee gemittlech op enge vun de ville Strandbaren den Dag ausklénge loossen oder et kann een den

Dag op der Donauinsel verbréngen wou ee schwamme goen oder Beachvolleyball spille kann.

An am Wanter huet een d'Méiglechkeet a manner wéi enger Stonn vu Wien ewech, Ski oder Snowboard fueren ze goen. Och en Highlight am Wanter sinn déi iwwer 20 Chreschtmäert, déi an der ganzer Stad opgeriicht ginn.

Dobäi gëtt et zu Wien eng Retsch international Organisatiounen wéi zum Beispill d'OPEC, ee vun de Sëtzer vun der UNO an d' "Internationale Atomenergie-Organisation" (IAEO).

Wien gëllt weltwäit als déi Stad mat der héchster Liewensqualität, dat huet fir déi 11. Kéier hannerteneen eng international Mercer Studie 2022 erginn. Hei goufe méi wéi 450 Stied unhand vun 39 Krittere verglach.

Wat Bildung betrëfft, bitt Wien senge bal 200.000 Studenten all méiglech Studierrichtungen op iwwer 25 ëffentlechen Universitëten, Fachhéichschoulen a privaten Universitëten.

Praktesch Informatiounen



Transport

Den ëffentlechen Transport zu Wien heescht "Wiener Linien". Am Joer 2020 sinn insgesamt 819.000 Joreskaarte verkaft ginn, dëst ass och net verwonnerlech bei de ville Méiglechkeeten, déi engem zur Verfügung stinn.

Wann een d'Streckennetz vun Ubahnen, Bussen a Stroossebunnen zesummenzielt, kënnt een op insgesamt 1.150 Kilometer. Am Ganze ginn et 5 Ubahnen (U1, U2, U3, U4 an U6), woubäi een nach erwänen muss, dass ab 2023 d'U5 als 6. Ubahnnlinn dobäikënnt. Stroossebunne ginn et insgesamt 28 Stéck zu Wien an zousätzlech ginn et nach eng ronn 131 Buslinnen. Weekends oder op Feierdeeg fueren d'Ubahnen déi ganz Nuecht duerch. Als Student:in kann ee fir 75€ (mat Hauptwunnsätz) respektiv fir 150€ (mat Niewenwunnsätz) bei de Wiener Linien ee Semesterticket kafen, dëst gëllt fir all Transportmëttel innerhalb der Kernzone.

De Flughafe vu Wien läit zu Schwechat an ass domadder net méi innerhalb vun där Zon, mee fir weider 2,20 Euro kann een de Flughafe schnell a bëlle mam Zuch erreechen.

Vëlo

Wien ass eng vëlosfrëndlech Stad. Insgesamt ginn et 1.654km Vëlospisten, déi et engem erméigleche schnell an einfach vun A op B ze kommen. Deemno wou ee wunnt, ass ee méi séier mam Vëlo op der Uni wéi mat der Ubahn oder mat der Stroossebunn. Falls ee keen eegene Vëlo huet, kann een sech fir 1€ een Account bei enger vun den 121 City-Bike Statiounen oder um Internet maachen. Mat dësen Vëloer kann een dann all Kéiers fir 1 Stonn gratis fueren. De Vëlo ass awer net nëmmen als Transportmëttel nützlich zu Wien, mee och fir d'Stad selwer ze erkennen. Et kann een zum Beispill déi ganz Ring-Strooss eng Kéier offueren an dobäi déi schéin Gebaier bewonneren oder en klengen Ausflug op d'Donauinsel maachen.

Nützlich Apps

Wien Mobil: Duerch d'Aginn vum Start- an Zielpunkt berechent dës App déi séierst Méiglechkeet fir mam ëffentlechen Transport un dän Zil ze kommen.

Studo: D'App fir dän Studium. Nom Alogge mat dengem Uni-Account hues du souwuel deng Coursen, deng Notten, wichteg Informatiounen etc. an enger App.

Bike Citizens: Lued dir d'Kaart vun Wien erof an d'App seet dir wéiste mam Vëlo un dän Zil kënns.



If we share the same passion,
you're the

WomAn

Join our team!

INCA Ingénieurs Conseils Associés est un bureau d'ingénieur en génie civil, offrant ses services depuis plus de 20 ans, dans des domaines aussi variés que :

- la coordination et le pilotage de projets
- le bâtiment et les constructions industrielles
- les ouvrages d'art
- les infrastructures routières et ferroviaires
- l'hydrologie et la gestion de l'eau
- les études environnementales et l'économie circulaire
- la physique du bâtiment (sécurité incendie, acoustique, thermique, scénique)
- la coordination sécurité et santé
- l'économie du bâtiment



www.inca.lu



■ Niederanven ■ Luxembourg ■ Esch-sur-Alzette ■ Diekirch

Lëtzebuerg - Wien

Eng Méiglechkeet ass de Fliger. Soulaang een ënner 24 Joer ass, kritt ee bei der Luxair nach de Jugend-Präis, dee bei 199 € Aller-Retour läit. Puermol am Joer kommen verschidden Offeren, wou een och mol en Vol fir 99 € oder 129 € Aller-Retour kritt. Dës Offer ass och net op en Alter begrenzt. De Vol dauert tëschent 1.15 an 1.45 Stonnen.

Méi ëmweltfrëndlech Methode sinn den Zuch an de Bus. De Zuchticketpräis ass bei 38 € One-Way, wann ee fréi genuch bucht. D'Zuchfaart dauert 11 Stonnen an et muss een opmannst ee Mol ëmklammen.

Och de Flixbus ass eng méiglech Alternativ a bitt eng Direktverbindung Lëtzebuerg-Wien un. Dës Busfaart dauert knapp 15 Stonnen a kascht ëm déi 50€.

Eng lescht Méiglechkeet ass den Auto an dauert ongeféier 9 Stonnen. Wann's du eng Matfuergeléeënheet brauchst, da fënns de sécher an eiser Facebook Grupp "LSW Mitfahrzentrale" een/eng aner/en Student:in, deen/déi dech gäre mat op Lëtzebuerg hellt.

Logement

Bei der Wunnengssich zu Wien ginn et lauter Méiglechkeeten seng perfekt Studentewunneng ze fannen. Wien ass eng grouss Stad, do soll also fir jiddwereen eng Wunneng ze fanne sinn. Falls de léiwer an eng scho bestoend WG zitts, da recommandéiere mir dir d'Internetsäit "wg-gesucht", hei fënns de souwuel Lëtzebuerger:innen wéi och Éisträicher:innen, déi eng Platz an enger WG ze verginn hunn.

Wann's du awer eng eege WG grënnen oder eleng wunne wëlls, recommandéiere mir dir Internetsäite wéi "immobilien.net" oder "immobilienscout24.at".

Eng weider Méiglechkeet bitt eis Facebook Grupp "LSW Willhaben". Hei ginn dat ganz Joer iwwer Annonce gepost, wou een e/eng Matbewunner:in sicht oder engem seng Wunneng fräi gëtt.

Evenementer

Donauinselfest: Mat 3 Milliounen Visiteuren op dräi Deeg ass dësen Open-Air Museksfestival ee vun de gréisste weltwäit. D'Donauinselfest fënnt normalerweis, all Joer, Enn Juni statt an d'Entrée ass gratis.

Sommernachtskonzert Schönbrunn: En gratis Concert, Métt Mee, vun de Wiener Philharmoniker am Schlassgaart Schönbrunn.

Rathaus Filmfestival: Säit 30 Joer fënnt virum Rathaus d'Filmfestival statt, wou ee bei guddem Iesse gemittlech en Film op enger grousser Leinwand kucke kann. Dëst fënnt vu Juli bis September statt.

Zu Wien fannen ausserdeem oft Concerte vu bekannte Museksgruppen oder Museker:innen statt.

Och e Besuch an der Staatsoper ass zu Wien e Muss. Vir U27 ginn et souguer Tickets em 20€.



The bridge to your freedom

SPUERKEESS.LU/axxess



Ta carte
Ton compte
Tes avantages

STUDY
Pour les étudiants de 18 à 30 ans



axxess

Universität Wien



Universitätsring 1
1010 Wien, Österreich

D'Universität Wien ass déi gréisst Universitéit zu Wien mat bal 94.000 Student:innen.

Et ass och ausserdeem déi eelsten Uni am däitschsproochege Raum. 2015 huet d'Universitéit hire 650. Gebuertsdag gefeiert.

D'Uni bitt de Student:innen ënnerschiddlech Bachelorstudiëgàng, Diplomstudiëgàng a Masterstudiëgàng.

Zu den Hauptstudienrichtungen zielen: Betriebswirtschaft, Publizistik- und Kommunikationswissenschaft, Politikwissenschaft, Psychologie, Pädagogik, Soziologie, Sportwissenschaft, Geschichte, Geographie, Biologie, Ernährungswissenschaften, avm.

Umelle kann een sech, op dëser Universitéit, vu Juli bis Ufank September fir d'Wantersemester, a Januar bis Februar fir d'Summersemester. Wichteg heibäi ass, dass net all Studierichtung béid Semesteren ugefaange ka ginn.

Et ginn e puer Fächer fir déi een en Opmamexamen absolvéieren muss. Eng Lëscht mat de verschiddene Studierichtunge kënt der op der Internetsäit vun der Uni fannen.

Ënnert anerem gehéieren zu dësen Fächer: Betriebswirtschaft, Internationale Betriebswirtschaft, Volkswirtschaftslehre, Biologie, Pharmazie, Ernährungswissenschaft, Informatik, Wirtschaftsinformatik, Psychologie, Publizistik- und Kommunikatiounswissenschaft, Sportwissenschaft.



Telefonsnummer:
+43 1 42770

Internetsäit:
www.univie.ac.at

Technische Universität Wien



TECHNISCHE
UNIVERSITÄT
WIEN

Karlsplatz 13
1040 Wien, Österreich

D'TU Wien ass déi gréissten technesch Uni an Éisträich mat méi wéi 42.000 Student:innen.

D'Technesch Universitéit Wien gouf 1815 vum Keiser Franz I. gegrënnt. Unhand vun dëser Institutioun wollt hien Ingenieure fir de Militär, de Biergbau an de Bau ausbilden.

TU Wien bitt iwwert 50 Studiegäng un. Dorënner falen ënnerschiddlech Bachelor- a Masterstudiegäng.

D'Hauptstudiegäng op der technescher Universitéit Wien sinn: Architektur, Raumplanung, Bauingenieurwesen, Elektrotechnik, Mathematik an Informationstechnik.

D'Umeldung op der TU Wien leeft fir d'Wintersemester vun Ufank Juli bis September a fir d'Sommersemester vu Januar bis Februar.



Telefonsnummer:
+43 1 588010

Internetsäit:
www.tuwien.ac.at

Wirtschaftsuniversität Wien



Welthandelsplatz 1
1020 Wien, Österreich

De Campus WU gouf vun 6 bekannten Architektbüroen aus der ganzer Welt gebaut.

D'Wirtschaftsuniversitéit vu Wien ass 1898 gegrënnt ginn an ass eng staatlech Universitéit, mat knapp 25.000 Student:innen.

Zanter dem Joer 2014 studéieren dës op engem fonkelneien a moderne Campus um Prater.

D'WU ass als eng vun de beschte Business Schools an Europa klasséiert an déi gréissten Uni, déi sech op Business an Ökonomie fokusséiert. Sait 2013 ass en sougenannten Einstiegstest agefouert ginn, fir de Student:innen en organiséiert Studium garantéieren ze kënnen.

D'Umeldung fir d'WU fänkt mat enger Online Registréierung un, déi ee vun Ufank Mäerz bis Mëtt Mee ka maachen. An weidere Schrëtt kann een sech dann definitiv fir d'WU umellen.

Insgesamt ginn et 3 Bachelorstudiëgänger: Wirtschafts- und Sozialwissenschaften, Business and Economics a Wirtschaftsrecht. D'WU bitt awer och ëm déi 15 verschidde Masterstudiëgänger un.



Telefonsnummer:
+43 1 313360

Internetsait:
www.wu.ac.at

Medizinische Universität Wien



Spitalgasse 23
1090 Wien, Österreich

Mat ronn 8.000 Student:innen ass d'Meduni déi gréissten Medezin-Uni am däitschsproochege Raum.

D'Medizinische Universität Wien ass déi gréisste Medezin-Uni an Éisträich an ass eng vun de wichtegste Fuerschungsinstitutionen a ganz Europa. Op dëser Universitét kann een Humanmedizin an Zahnmedizin studéieren.

D'MedUni Wien stellt ausserdeem immens vill Personal fir d'Wiener AKH (Allgemeines Krankenhaus) an dat gréisste Spidol a ganz Europa. D'Uni huet insgesamt 30 Universitétskliniken, dräi klinesch Institut, 12 medezinorientéiert Zentren an eng grouss Unzuel un héichspezialiséierte Laboen.

Fir op der MedUni Wien Human- oder Zahmedizin studéieren ze kënnen, muss een den Opnahmetest MedAT schreiwen an bestoen, respektiv sech géint d'Konkurrenz duerchsetzen an en méiglechst héicht Resultat erzielen.

All d'Informatiounen zum MedAT Test, d'Fristen an Terminer ginn ab Enn Januar/ Ufank Februar op dëser Säit publizéiert: www.medizinstudieren.at

Op der nächster Säit fënns de nach weider Informatiounen a Fristen zum **MedAT 2021** zesummegefaasst, soudass du dir den Oflaf ongeféier virstelle kanns.



Telefonnummer:
+43 1 401600

Internetsäit:
www.meduni.ac.at

MedAT - Opnahmetest MedUni Wien

Fristen

Internet-Umlegung:

01.03.2022 bis 31.03.2022

Bezuelen vun der Kostenbeteiligung:

01.03.2022 bis 31.03.2022 (2022:110€)

Test:

08.07.2022

Resultater:

ab der KW 32 (Ufank/Mëtt August)

40% KFF (Kognitive Fähigkeiten & Fertigkeiten)

15 Aufg.: Figuren zusammensetzen

8 Ausweise: Merkfähigkeit (Einprägephase)

25 Aufg.: Merkfähigkeit (Abrufphase)

10 Aufg.: Zahlenfolgen

10 Aufg.: Implikationen erkennen

15 Aufg.: Wortflüssigkeit

10% SEK (Sozial-emotionale Kompetenzen)

10 Aufg.: Soziales Entscheiden

10 Aufg.: Emotionen erkennen

10% TV (Textverständnis mit 12 Aufgaben)

Virbereedung

D'Léiere fir den Test ass jiddwerengem selwer iwwerlooss. Mir roden dir un de Biologie-, Chimie-, Physik- a Mathematikstoff vun der Première ze widerhuelen (virun allem och op Däitsch), sech awer och déi offiziell Ennerlagen (Stichwortlisten, Online-Tests, etc.) ganz genau unzucken an d'Matière ze léieren.

Den Opnahmetest entwéckelt sech vu Joer zu Joer weider, dowéinst kënnen nei Übungen dobäi kommen. D'Zäit vun den eenzelen Deeler oder d'Punkteverdeelung variéieren. Dowéinst rode mir dir, dat virum Test nozesichen an dech gutt ze informéieren. Et gi ganz vill verschidden Übungsbücher, Intensivkursen etc. Mir roden der un, onbedéngt Rezensiounen a Bewäertungen ze liesen, fir onnéideg Dépensen ze vermeiden.

Opbau MedAT

MedAT-Z Zahnmedizin (Beispill):

40% BMS (Bio, Chemie, Physik, Mathematik)

40 Aufg.: Biologie

24 Aufg.: Chemie

18 Aufg.: Physik

12 Aufg.: Mathematik

30% KFF (Kognitive Fähigkeiten & Fertigkeiten)

8 Ausweise: Merkfähigkeit (Einprägephase)

25 Aufg.: Merkfähigkeit (Abrufphase)

15 Aufg.: Figuren zusammensetzen

15 Aufg.: Zahlenfolgen

15 Aufg.: Wortflüssigkeit

10% SEK (Sozial-emotionale Kompetenzen)

10 Aufg.: Soziales Entscheiden

10 Aufg.: Emotionen erkennen

Opbau MedAT

MedAT-H Humanmedizin (Beispill):

40% BMS (Bio, Chemie, Physik, Mathematik)

40 Aufg.: Biologie

24 Aufg.: Chemie

18 Aufg.: Physik

12 Aufg.: Mathematik

20% MF (Manuelle Fähigkeiten)

2 Aufg.: Draht biegen

5 Aufg.: Formen spiegeln

Veterinärmedizinische Universität Wien



Veterinärplatz 1
1210 Wien, Österreich



Telefonnummer:
+43 1 250770

Internetsäit:
www.vetmeduni.ac.at

D'Hauptrecherchë vun dëser Uni sinn am Beräich vun der Veterinärmedizin, dem öffentleche Gesondheetswiesen an der Sécherheet vun de Liewensméttel. Baséiert gëtt sech hei op d'Wuelbefanne vun den Déieren, Déierenhaltung an Déiereschutz. Bachelor Pferdewissenschaften, Veterinärmedizin a Biomedizin und Biotechnologie.

Universität für Bodenkultur



Gregor-Mendel-Straße 33
1180 Wien, Österreich



Telefonnummer:
+43 1 476540

Internetsäit:
www.boku.ac.at

Hei ginn erneierbar Ressourcen am Zesummenhang mat Naturwëssenschaften, Technik an Ekonomie erfuerscht. Fir de Bachelor op dëser Uni kann een ënnert enger Reih vu Studiegäng entscheeden: Landschaftsplanung- und Landschaftsarchitektur, Forstwirtschaft, Agrarwissenschaften a villes méi.

Universität für Musik und darstellende Kunst



Anton-von-Webern-Platz 1
1030 Wien, Österreich



Telefonnummer:
+43 1 71155

Internetsäit:
www.mdw.ac.at

Dës Universitët ass déi gréisste Konschtuni an Éisträich an déi gréisst Museksuni op der Welt. Héi studéieren 3000 Studien:innen Komposition und Musiktheorie, Dirigieren, Tonmeister, Instrumentalstudium, Kirchenmusik, Pädagogische Studien, Gesang und Musiktheaterregie, Darstellende Kunst, oder Film und Fernsehen.

Universität für angewandte Kunst

di:'Angewandte

Universität für angewandte Kunst Wien
University of Applied Arts Vienna

Oskar Kokoschka-Platz 2
1010 Wien, Österreich



Telefonnummer:
+43 01 711330

Internetsäit:
www.dieangewandte.at

“Die Angewandte” ass d’Nummer 1 fir kënschtleresch a wëssenschaftlech Recherchen a steet reegelméisseg an Zesummenaarbecht mat de weltwäit wichtigste Konschtinstitutiounen. Hei huet een de Choix tëschen: Architektur, Art & Science, Bildende Kunst, Sprachkunst an nach villes méi.

Akademie der bildenden Künste

A...kademie der
bildenden Künste
Wien

Schillerplatz 3
1010 Wien, Österreich



Telefonnummer:
+43 01
588161818

Internetsäit:
www.akbild.ac.at

Op dëser Konschtuniversitéit gëtt engem d’Léieren an d’Recherchéieren duerch verschidden ästhetesch Phenomener a Wierker bäibuecht.

D’Praxis an d’Denkformen erhält een a verschiddene Bachelorstudiegäng: Bildende Kunst, Bühnengestaltung, Architektur, Künstlerisches Lehramt.

Sport Institut Wien

Auf der Schmelz 6A
1150 Wien

Telefonnummer:
+ 43 1
427717001

Internetsäit:
www.usi.at

D'Universitätssportsinstitut (USI) Wien bitt eng grouss Unzuel un Sportarten un, vu Fussball a Basket iwwert Pilates a Yoga bis zu verschidden Danzarten oder Schilaanglaf. Do ass also sécher eppes fir jiddwereen dobäi an dat ganz och nach zu studenten-frëndleche Präisser.

Umeldunge fir d'Wantersemester fänke Mëtt September un. Fréi un sinn lount sech, well verschidde Sportarten ewéi Fussball sinn innerhalb vu wéinege Minutten ausgebucht. Dowéinst rode mir iech un, iech schon am Viraus gutt ze informéieren, fir bei der Umeldung nëmme keng Zäit ze verléieren.

Dat ganz Kursangebot a weider Informatiounen fannt der op hirer Internetsäit: www.usi.at

Nieft dëser Auswahl vun Universitëiten zu Wien, ginn et nach vill weider Universitëiten a Fachhéichschoulen an der éisträichescher Hauptstadt. Eng Lëscht mat all dësen Institutiounen kann een ënnert folgendem Link fannen:
www.studieren.at/wien-studien-unis-fhs

STAGE

INGENIEUREN

DIPLOMAARBECHT

IT

TECHNIKER

VAKANZENJOB

ZEECHNER

SUPPORT



1961 gegrënnt



30% Fraen



420 Mataarbechter
(57% Ingenieuren, 31% Techniker +
Zeechner, 12% Support+IT+Adm.)



14 Nationalitéiten



15 lëtzebuerger Associéen



38 Joer : Duerchschnëttsalter



Ingenieuren aus de Beräicher Génie civil, Elektromechanik,
Génie mécanique, Umwelt

Geographen, Biologen, Geologen, Hydrologen, Urbanisten,
Geometeren/Topographen, Informatiker oder Bauphysiker



Scan it!

► A mir schléisse kee Beräich aus, deen innovativ ass !

Iwwert 100 Studenten all Joer!

E Stage ass vill méi wéi just eng Pai. Duerfir zéckt net eis ze kontaktéieren !



Mail eis däin CV mat Motivatiounsbréif op jobs@schroeder.lu



Château d'eau Ban de Gasperich



Tram rapide entre Agglo LUX et Agglo SUD



Station d'épuration Blesbrück (extension)



Hall des Sports Bridel





IN BUSINESS SINCE
1975


D'Aufgab vum LSW besteet doranner, d'Lëtzebuenger Student:innen ze beroden, ze ënnerstëtzen an se zesummen ze bréngen.

Eist Zil ass et d'Lëtzebuenger Student:innen vu Wien am In- an Ausland ze vertrieeden. Dat heescht awer natierlech net, dass mir eis nëmmen op Lëtzebuenger Bekanntschaften beschränken.

Et ass eis wichteg, de Lëtzebuenger Student:innen zu Wien bei Problemer a Froen ze hëllefen an hinne souwuel während hirem Studium, wéi och virdrun an duerno zur Säit ze stoen.

Et kommen ëmmer méi Lëtzebuenger Student:innen op Wien, wouduerch mir natierlech och ëmmer méi Membere kréien an eist Offer un Evenementer probéieren ze erhéijen an ze verbesseren.

Lëtzebuenger Studente zu Wien



ACEL- De Studentevertrieder

Mir sinn fir dech do!
Virun, während an no dengem Studium!



INFORMATION

Mam GUIDE DU FUTUR ÉTUDIANT hues du all d'Infoe fir de Start vun dengem Studium. Während dengem Studium steet dir dann DE STUDENTEGUIDE zur Säit. De GUIDE DU FUTUR DIPLÔMÉ hëlleft dir fir d'äin Wee an d'Aarbechtswelt ze erliichteren. Dës dräi Broschüren fënns du ënner: www.acel.lu/publikatiounen.

Beim STUDENT FIR 1 DAG weise mir dir deng zukünfteg Studentestad.



REGRUPPEMENT

Mir organiséieren DE STUDENTEBAL, dee gréissten Open-Air Bal fir Student:innen, ewéi och den TOURNOI DE NOËL. Allebéid bréngen déi iwwer 40 Cerclen an hier Memberen zu Lëtzebuerg zesummen.

REPRESENTATIOUN

Mir sinn am reegelméissegem Kontakt mat de Ministèren an verrieden deng Rechter an Interessen. Mir probéiere fir all potentielle Studenteproblem eng Lösung ze fannen an dech beschtméiglech ze beroden.



contact@acel.lu



www.acel.lu



[@acelluxembourg](https://www.instagram.com/acelluxembourg)



ACEL - de Studentevertrieder



ACEL - de Studentevertrieder

EVENTS

LSW



Nieft eiser Aufgab, de Studenten am Laf vun hire Studien zur Sait ze stoen, sti beim LSW eng ganz rei Evenementer am Laf vum Joer um Programm.

Lass geet et Ufank Oktober mat eiser Welcome Party fir de Semesterufank ze feieren. Déi nei Student:innen kënnen an enger gemittlecher Atmosphär aner Studente kenneléieren. Ab do hunn d'Leit och d'Méiglechkeet eng Memberskaart ze kafen, mat där verschidden Evenementer scho bezuelt sinn. An engems kënt de Student:in an den LSW-Email Verdeeler, deen iwwert aktuell Evenementer informéiert a wichteg Noriichte verdeelt.



Als Zweet fënnt am November eis Daf statt, bei der et sech em en Rallye duerch Wien handelt, wou déi nei Student:innen a Gruppen opgedeelt ginn. Zum Schluss gëtt d'Daf mat enger klenger Feier an engem vun eise Stammlokaler ofgeronnt. Dëst ass eng weider Geleeënheet d'Stad an aner Student:innen besser kennenzeléieren.

Am Dezember feiere mir op eng extra Aart a Weis zesummen de Kleeschen an organiséier an engem Lokal e Pubquiz. Hei trieden eis Studenten a verschiddenen Ekippe géinteneen un an testen hiert Wëssen an allen méigleche Beräicher. En zweete Pubquiz gëtt am Laf vum Fréijoer organiséiert.

Lëtzebuurger Studente Wien

Am Mäerz steet dann eis Assemblée Générale um Programm, wou den neie Comité vun all de Membere gewielt an de Bilan vum Joer gezu gëtt. Zum Schluss steet eng open Diskussioun fir nei Virschléi oder Kritik un.

Am Summer feiere mir eist grousst Saufest op der Donauinsel, wou den LSW fir Drénken an eng knuspreg Sau suergt. Dëst Event ass all Joer en Highlight mat iwwer 500 Leit. Mëttlerweil ass d'Saufest sou beléift, dass den LSW en Intercercle doraus gemaach huet. Dat bedeit, dass Lëtzebuurger Studenten aus allen Stied bei eis op Wien kommen an all zesummen en flotte Weekend verbréngen. Och um Programm: eng Besichtigung vun der Stad an en Oweessen an engem traditionelle Wiener Lokal. Natierlech participéiere mir och des Eëfteren un Intercercle an aneren Unisstied. Zesumme mam LSI a LSM hunn mir och dest Joer am Mee e neit Event an d'Liewe geruff, de BASECUP. Hei si mir des kéier zu Innsbruck géinteneen a Gruppen an de verschidde Sportarte wei Petanque, Spikeball a Völkerball ugetrueden.



Fir Nationalfeierdag ginn mir vun der Lëtzebuurger Ambassade zu Wien op en Patt an puer Amuse-Bouches agelueden.

Och zu Lëtzebuerg si mir vertrueden duerch eisen Hüttenzauber am Februar mam LSI. Am Summer hunn mir lo dëst Joer zesumme mat der ALUS an dem LSI e neien Intercercle organiséiert, Lët'z FR/AT. Hei verbrénge mir zesummen e Metten um Stauséi a ginn dono op d'Fouer.

Ausserdeem si mir um ACEL Studentebal vertruede souwéi op der Foire de l'Etudiant, wou mir jiddweree gären iwwert d'Studieméiglechkeeten zu Wien an alles, wat zum Studenteliewen dozou gehéiert, informéieren.

Sou kënne mir behaapten, dass fir all Student:in eppes dobäi ass. Falls du nach weider Froen hues, wat eis Memberskaart, ee vun eisen Evenementer oder och aner Themen ugeet, dann zéck net dech bei eis ze mellen.

Saufest 2022





**Kontakt
Info**

www.lsw.lu/lsw/vorstand

COMITE 2022/2023



Jacquie Staudt

Präsidentin
Veterinärmedizin, Vet Med



Caroline Schloesser

Vizepräsidentin
Politikwissenschaften, Uni
Wien



Catherine Kinsch

Sekretärin
Politikwissenschaften, Uni Wien



Batty Reding

Trésorerie
Wirtschafts- und
Sozialwissenschaften, WU



Elisa Jones

Social Media
Internationale
Betriebswirtschaftslehre
WU



Camille Peiffer

Sponsoring
Veterinärmedizin, VetMed



Lynn Schintgen

Event
Raumplanung, TU Wien



Leo Gierenz

Event
Volkswirtschaftslehre,
Uni Wien



Lynn Wiroth

Merchandise
Biologie, Uni Wien



Philippe Di Pillo

Sport
Geographie, Uni Wien



Tun Sinner

Coopté
Physik, TU Wien



Inés Schneider

Cooptée
International Business
(Erasmus)

Éieremember

Net ze vergiessen ass eisen Éieremember
an eist Maskottchen an engem;
d'SAUF!



**Elisaubeth I von
Nassau**

Maskottchen
Metzgerwissenschaften
Uni Wien

ÉIEREMEMBER VUM LSW

Ceman Edvin
Daleiden Ciara
Heintz Cédric
Johann Gilles



Wat ass deng léifsten Fräizäitaktivitéit?



MQ

Gemittlecht duerch den
Museumsquartier trëppelen

Joy



BRUNCH

Jang



SCHWAMMEN

An der Donau schwammen, egal op
warm oder kaalt Waasser

Lou



FUSSBALL

Wiener Léiwen



Wiener Schnitzel

FIR 2 PERSONEN

ZOUBEREEDUNG

ZUTATEN

Schnitzel

- 1 Kallefsschnitzel
 - Ram
 - Eeër
 - Miel
- Panéiermiel
 - Botter
- Salz a Pfeffer

Gromperenzalat

- 4 – 5 Gromperen
- Rënds Bouillon
 - Esseg
 - Ueleg
- 1 Zwiwwel
- 1 EL Moschter
- Salz a Pfeffer

Schnitzel

1. Kallefsschnitzel platt drécken an op deenen zwou Säite pefferen a salzen.
2. Ram an Eeër an enger Schossel mat enger Forschette verréieren. Miel a Panéiermiel jeeweils an een Zoppenteller ginn.
3. De Schnitzel kuerz a Miel zappen, dono an d'Schossel mat der Ram an den Eeër an uschléissend an d'Panéiermiel. Panad e bessen undrécken.
4. Botter an der Pan schmélze loossen. De Schnitzel da vun all Sait gutt véier Minutte Gold-giel ausbacke loossen. De Schnitzel roueg mam Fett ëmmer rëm begéissen.

Gromperenzalat

5. Gromperen 20 Minutte kache loossen.
6. Gromperen nach waarm schielen an se an dënn Scheiwe schneiden. Alles an eng grouss Schossel ginn.
7. Bouillon liicht erhëtzen an iwwert Grompere schëdden. Uschléissend mat Pfeffer, Salz, Esseg, Zwiwwelen an Ueleg verfeinere.
8. No Loscht a Laun och nach Moschter bei d'Zooss derbäi ginn.

Wienerisch

Servus, Grüß Gott	- Moien	Topfen	- wäissen Kéis
Baba	- Äddi	Zuckerl	- Kamell
heuer	- dëst Joer	Bim/Tram	- Stroossebunn - Spidol
Jänner	- Januar	Spital	- Noexamen
Feber	- Februar	Nachzipf Münzkaribik	- Solarium
Trafik	- Tubaksbuttek	Bussi/Busserl	- Kuss
Tschick	- Zigarett	gspusi	- Techtelmechtel
Friedhofsspargel	- Zigar	Gspäßlabern, Tutteln	- Brëscht
Gespritzter	- Wäin mat Sprud- delwaasser	Nudelfriedhof	- Prostituëiert
Krögel	- 0,5l Béier	leiwand	- gutt
Doppler	- 2l Wäinfläsch	deppert	- blöd, domm
Sechzehna	- eng Dous Ottakringer Béier	fesch	- schéin, attraktiv - ellen
Kracherl	- Limonad mat Sprudde	schiech	- mega
Tschecherant	- Alkoholiker	ur (z.B Urgeil) kommod	- bequeem
fett	- besoff	gschlant	- gutt ugedoen
zua sein	- sou voll sinn,datt een net méi schwätze kann	miselsüchtig	- depressiv
restfett	- am Solper	abpaschen	- fortlafen
Gössermuskel	- Béierbauch	grausen	-sech virun eppes eekelen
Hansl	- waarme Rescht vum Béier	wuzeln	- Kicker spillen
Sackerl	- Akafstut	sudern	- jéimeren
Kassa	- Keess	blunzen	- egal
Schanigarten	- Terrasse	wacheln	- wénken
Babyschaas	- séissen Moschter	Pallawatsch	- Duercherneen
Faschiertes	- Gehacktes	Schmäh	- Witz
Hendl	- Poulet		
Kipfer	- Croissant aus Brioche		
Semmel	- Bréitchen		
Erdäpfel	- Gromperen		
Kukuruz	- Mais		
Marille	- Aprikos		
Maroni	- Käschten		
Melanzani	- Aubergine		
Paradeiser	- Tomat		
Schwammerl	- Champignon		
Palatschinken	- Paangech		
Obers	- Ram		
Häferl	- Taass		

Notizen



Impressum

Editeur

Lëtzebuenger Studenten Wien

Site: www.lsw.lu

Kontakt: lsw@lsw.lu

Redakteren

Braun Lisa

Daleiden Ciara

Dammé Michelle

Heintz Cédric

Johann Gilles

Pepin Lou

Suljic Smail

Staudt Jacquie

Vandermuntert Maxime

Sponsoring

Camille Peiffer

Fotoen

Clees Philippe

Dammé Michelle

Heintz Cédric

Johann Gilles

Mujkić Melissa

Pepin Lou

Schloesser Caroline

Korrektur

Kinsch Catherine

Mujkić Melissa

Schloesser Caroline

Layout an Design

Lou Frisch



Editioun N°7

Original 2015-2016

